

शान्तिपूर्ण, समृद्ध, आत्मनिर्भर आधुनिक नेपाल निर्माणया नििति भीगु आह्वान !,
विभेद, बेरोजगारी व भ्रष्टाचार अन्त्य यायेत "ल्हा: मिले याना:" चिंयात मतदान यानादिसँ !!

राष्ट्रिय जनमुक्ति पार्टी

(RASTRIYA JANAMUKTI PARTY)



चुनावया चिं "ल्हा: मिले याना:"

प्रतिनिधि सभाया निर्वाचन - २०८२

नागरिक संबोधन-पत्र (नेपाल भाषा)

राष्ट्रिय जनमुक्ति पार्टी

केन्द्रीय प्रकाशन विभाग

janamukti48@gmail.com

Facebook.com/janamukti, Twitter.com/janamukti

www.facebook.com/Rastriya Janamukti Party

www.janamukti.org

हनेबहःपिं मांअबु, दाजुकिजा तताकेहैपिं !

२१ फाल्गुन २०८२ य् जुइगु प्रतिनिधि सभाया निर्वाचनयात कयाः प्रत्येक नेपाली थःगु नागरिक चेतना व जिम्मेवारी पूर्वकेत वःगु दु । आधुनिक राष्ट्रिय एकताया सिद्धान्तं बाध्य सक्षम राष्ट्र, थुगु चुनावया नितीं चुनावी घोषणापत्रया रूपय् थ्व नागरिक सम्बोधन हयागु दु । छिगु नागरिक चेतनायात छ्यलाः पाय् छिगु निर्णय यायेत नं झीसं आशा व आह्वान यानाच्चना ।

१) देय् ङबले समृद्ध जुइ ?

गुगुं नं देय् समृद्ध जुइत दकलय् आधारभूत शर्त धइगु राष्ट्रिय एकता व विश्वास खः। नेपाः बहुजातीय, बहुभाषिक, बहुसांस्कृतिक, बहुधार्मिक विशेषता दुगु देय् जूगुलिं “फुक्कसिया नितीं सकसितं, सकसितं विकासया नितीं” धइगु मू मान्यता दुगु सरकार माःगु दु । उगु शर्त पूर्वकीगु संघीय लोकतान्त्रिक मोडेलया नितीं झीपिं प्रतिबद्ध जुयाच्चना ।

२) आःया संघीय मोडेल पाय् छि खः ला ?

नेपालय् विकास, समृद्धि, व राष्ट्रिय एकताया नितीं राजनीतिक प्रस्ताव हइगु पार्टी राष्ट्रिय जन्मुक्ति पार्टी खः । संघीयताया मूल प्रस्तावक व अधिवक्ता जुयाः भीसं धायेगु खःसा सर्विधान-२०७२ पाखें नालाकाःगु संघीय मोडल त्रुटिपूर्ण खः । अथे धयागु राष्ट्रिय आकांक्षायात सम्बोधन याये मफुनि । थ्व खँ भिदँया अनुभवं नं पुष्टि याःगु दु । उकिं शक्तिशाली राज्य पुनर्संरचना आयोग गठन यानाः उकिं सुभाव ब्यूगु संघीय मोडल नालेमाःगु अवस्था दु । जिपिं थुकी प्रतिबद्ध जुयाच्चना ।

३) प्रत्यक्ष निर्वाचित कार्यकारी माः ला ?

नेपाः बहुलवादी समाज दुगु राष्ट्र खः । उकिं केन्द्रीय तहलय् छम्ह हे मनू राष्ट्रपति जुइगु व्यवस्था स्वयां क्लस्टरय् आधारित राष्ट्रपति पद अप्वः पाय्छ जुइ, गुम्हेसित संसद ल्यइ । कार्यकारी (प्रधानमन्त्री) प्रत्यक्ष निर्वाचित जुइगु, अले सांसद व गैरसांसदपाखें मन्त्रपरिषद दयेके फइगु व्यवस्था पाय्छ जुइ । अथे हे प्रदेश तहलय् नं प्रत्यक्ष रूपं मुख्यमन्त्री ल्ययेगु पाय्छ जुइ । जिपिं थुकी सहमत व प्रतिबद्ध जुया ।

४) भ्रष्टाचारयात ङुकथं मदयेकेगु ?

भी सकलें स्पष्ट दु कि भ्रष्टाचार हे नेपाःया कुशासन, गरिबी, बेरोजगारी, निर्भरता, नागरिकतयगु पलायनया मू कारण खः । तर भ्रष्टाचार अप्वया वनाच्चंगु व संस्थागत जुइगु गम्भीर अवस्था ब्वलनाच्चंगु दु । थुकियात मदयेकेत भ्रष्टाचार विरुद्धया निर्धारित राष्ट्रिय नीतिलिसें सशक्त पलाः न्ह्याकेमाःगु अनिवार्यता दु । भ्रष्टाचारयात नियन्त्रण मयासे उन्मूलन यायेगु राष्ट्रिय नीति लागू यायेगु नितीं दृढ जुयाः २०७६ सालानिसें भ्रष्टाचार विरुद्ध राष्ट्रिय अभियान न्ह्याकाच्चंगु

राष्ट्रिय मुक्ति पार्टी थःगु जन्मनिसें हे २०७६ सालया ५ दँया दुने देय्यात भ्रष्टाचारमुक्त यायेगु घोषणा सार्वजनिक स्तरय् यानाच्चंगु दु । थौतकया फुक्क भ्रष्टाचारया मुद्दा समाधान यायेगु, भ्रष्टाचारीतय्त देशद्रोही घोषणा यायेगु, इमिगु सम्पत्तियात राष्ट्रियकरण यायेगु निरिति जिपिं प्रतिबद्ध जुयाच्चना ।

५) देय्या औद्योगिकीकरण गुकथं सम्भव जुइ ?

झीसं नेपाःयात औद्योगिकरणया युग्य् यंकेगु इच्छा व घोषणा प्वंकागु दु । तर भीके औद्योगिकरणया थःगु हे मौलिक मोडेल दइ । भीगु न्हापांगु प्राथमिकता नेपालय् उपलब्ध कच्चा पदार्थय् आधारित उद्योगया विकास जुइ । निर्यातमुखी उद्योगय् लगानी प्रोत्साहन व सुरक्षा सुनिश्चित जुइ । कच्चा पदार्थ आयात यायेमाःगु तर राष्ट्रिय आवश्यकता पूर्वीगु सामग्री उत्पादन जुइगु अवस्थाय् उच्च भन्सारया सुविधा बीगु जुइ । झीं आत्मनिर्भर व निर्यातमुखी औद्योगिक विकासया निरिति प्रतिबद्ध जुयाच्चना ।

६) लगानी व्यवस्था व वैदेशिक त्यासाया खँय् गुज्याःगु नीति नालेमाली ?

नेपाःया फुक्क क्षेत्रय् लगानी व खर्चया निरिति विदेशी त्यासा कायेगु प्रचलनं देय्यात गम्भीर संकटपाखे घ्वानाच्चंगु दु । आःनिसें अनुत्पादक ज्या वा खर्चया निरिति विदेशी त्यासा कायेगु निरुत्साहित जुइ । झीं उत्पादनशील वा प्रतिफल बीगु परियोजनाया निरिति सरकार, उद्यमी व नागरिकया समान लगानी जुइगु त्रिपक्षीय आर्थिक प्रणाली मोडेल कार्यान्वयन यायेत प्रतिबद्ध जुयाच्चना ।

७) रोजगारी व रेमिट्यान्सया सम्बन्धय् छु यायेमाः ?

रोजगारीया निरिति आन्तरिक व विदेशी विकल्प समान रूपं विकास जुइ । वैदेशिक रोजगारीया निरिति ज्याया दक्षता, आत्मसम्मान व श्रमिकया व्यक्तिगत सुरक्षा सुनिश्चित यायेगु शर्त जुइ । थुकिया लागिं राज्य जवाफदेही जुइगु व्यवस्था जुइ । कर चोरी, लोभ वा छलकपटया आडय् मनुतय्त वैदेशिक रोजगारीइ यंकेगु ज्यायात जघन्य अपराध घोषणा यानाः उकथं हे सजाय बीगु व्यवस्था जुइ । रेमिट्यान्सयात देय्या रचनात्मक विकासय् समायोजन यायेगु बहुआयामिक नीति नालीगु जूगु दु । विश्वया न्ह्याथासं नं नेपाली नागरिकयात आत्मसम्मान तंकेगु व असुरक्षित व अन्यायपूर्ण अवस्थाय् म्वायेगुपाखें बचे यायेत झी प्रतिबद्ध जुयाच्चनागु दु ।

८) नागरिकताया निरन्तरता छु जुइ ?

नेपाली नागरिकता न्ह्यागु देसय् जूसां कायम यायेमाः । स्वेच्छां नागरिकता त्याग याःगु प्रकरण बाहेक सुं नं नेपाःमिया नागरिकता खारेज जुइमज्यू । वंशजया आधारय् नेपाली नागरिकताया अधिकार सुनिश्चित यायेत जिपिं प्रतिबद्ध दु ।

९) संविधान पुनर्लेखन आवश्यक दु कि मद्दु?

नेपाःया संविधान-२०७२ य् अवश्य नं यक्व कमजोरी दु । तर संविधान खारेज यायेगु वा

मेगु अन्तरिम संविधान मालेगु सुरक्षित राष्ट्रिय गन्तव्य मखु । संवैधानिक कार्यविधि संशोधन यायेगु प्रक्रियापाखें जक समाधान मजुङ्गु निश्चित दु । उकिं संविधान जारी जुइधुंकाः भीसं ल्हवनागु संविधान पुनर्लेखनया विषययात कयाः थन हानं लुमंके मास्ति वः । संविधानं सुनिश्चित याःगु उपलब्धियात स्वीकार यानाः कमजोरी चीकाः, त्वःताः वंगु महत्वपूर्ण एजेण्डायात दुध्याकाः संविधानयात राष्ट्रिय एकताया दस्तावेज दयेकेगु राजनीतिक विधि हे संविधानयात पुनःलेखन यायेगु खः । थुकिया नितीं राष्ट्रिय राजनीतिक सहमतिया लिधंसाय् न्ह्याः वनेफङ्गु खँय् जिपिं स्पष्ट दु, अले थुकी दुनुगर्लानिसें कुतः यायेगु प्रतिबद्धता नं प्वंके ।

१०) भी प्रतिबद्धता :

प्रतिनिधि सभा निर्वाचन-२०८२ या सन्दर्भय् राष्ट्रिय जन्मुक्ति पार्टी नेपाली नागरिकलिसे संचार याये चाहेजुगु मू विषयत थुपिं हे खः । राष्ट्रिय मुक्ति पार्टी २०४७ य् स्थापना जुगु व २०४८ य् जुगु न्हापांगु संसदीय निर्वाचननिसें लोकतान्त्रिक अभ्यासप्रति प्रतिबद्ध जुयाच्चंगु जिम्मेवार व अनुभवी राजनीतिक पार्टी खः, अले हरेक निर्वाचनय् थःगु घोषणापत्र सर्वसाधारणया न्ह्यःने न्ह्यव्वयाच्चंगु दु । थुगु चुनावय् राष्ट्रिय जनमुक्ति पार्टी न्हापाया फुक्क राष्ट्रिय चुनावय् (विशेष यानाः २०७९ या प्रतिनिधिसभा चुनावया नितीं न्ह्यव्वःगु घोषणापत्रय् सर्वसाधारणया न्ह्यःने न्ह्यव्वःगु घोषणापत्रय् न्ह्यथनागु प्रतिबद्धतायात पुनःपुष्टि यायेगु इच्छा दु । हाकनं भीगु दृष्टिकोण कथं थ्व नागरिक सम्बोधन मार्फत न्ह्यव्वयातःगु राष्ट्रिय एजेण्डायात कयाः खुल्ला बहस, सहलह, अन्तरक्रिया, सन्देश प्रसार व भीगु नागरिक दायित्व पूर्वकेत सशक्त आह्वान यानाच्चना । आःया चुनावय् नेपाली नागरिकतय्सं “ल्हाः मिले यानाः” चिं तयाः मतदान यात धाःसा झीसं नं सदन व सरकारय् व आवश्यक जूसा सतकय् नागरिकया सच्चा अभिभावकया रूपय् थःत सशक्त रूपं न्ह्यःने यंकेगु प्रतिबद्धता प्वंकाच्चना ।

२०८२ माघ १६ (सहीद दिवस)।



टोप अस्लामी
(महासचिव)



केशव सूर्यवंशी
(अध्यक्ष)